



Neb a yopoe n be ti Wënd na n kēes-ba A Maasmã pugẽ, raar ning maasem sën ka be rënd A Maasmã

Yii a Abu Hurayrat nengẽ, (Wënd yard be a yĩnga), ti yii Nabiyaamã nengẽ, (Wënd puusg la A tilgr be a yĩnga) a yeelame: «Neb a yopoe n be ti Wënd na n kēes-ba A Maasmã pugẽ, raar ning maasem sën ka be rënd A Maasmã: yaa taoor soab sën yaa tēeg tırğa, la rasãng sën yik Wënd tũudum pugẽ, la rao sũur sën yag ne miisa, la neb a yiib sën bu taab nonglem Wënd yĩnga, n tigim taab A nonglemã zugu n leb n welg taab A nonglemã zugu, la raoa pag sën tar ziir la neerem sën bool-a, t'a yeele: ad mam zoeta Wēnde, la ned sën na n maan sãra n solge, halı ti yẽ goabga ka mi ritgã sën kõtã ye, la ned sën be a yembre, n tēeg Wënd yelle, t'a nintãmã kiigi».

[Naşun Şahuhun (Gom-sikdem sën manege)] [B zemsa taab a zugu (A Al-Buḥariy la a Muslim n reeg-a)]

Nabiyaamã (Wënd puusg la A tilgr be a yĩnga) koo kiba-noogo, ti kōbg a yopoe sën yi sūd-kōtbẽ wã, Ti Wënd na n kēes-ba A Al-‘arşã Maasem pugẽ, raar ning maasem sën ka be rënd a Maasmã: Rēenem: yaa taoor soab sën tēeg tırğa, a mengẽ, n ka faastk ye, n yaa tēeg tırğ soaba ne a nebẽ n ka wēgd ye, la yaa ned ning naam sën yaa na-kāsengã, la b kelled n lagema ne yẽ, ned fãa sën lu lıslaambã yell taoore, n tēeg tırğ a pugẽ. Yiib soaba: yaa rasãng sën yik Wënd tũudumã pugẽ, n rik a rasãndlemã fãa la a yĩn-yēegrã fãa tũudmã pugẽ, halı n tug n maan kaalem yel-kãngã zugu. Tãab soaba: yaa rao sũur sën yag ne misa, a sã n yi misrẽ wã, a sũurã be beenẽ halı t'a wa lebg n kēng beenẽ, a sën nong la a sën yag ne misrã keelem, t'a sũurã ket n be misrẽ wã, baa t'a yĩngã sã n wa be misrã yĩnga. Naas soaba: yaa neb a yiib sën bu taab nonglem Wënd yĩnga, n kell n duum ne dīinã nonglem, b ka wãag-a ne dũni yel ye, zem ti b tigima taab ne b yĩngã maa b yiibã welga taab la yaa b sũyã n be ne taaba, n tall woto ti kũum wa welg-b ne taaba. Nu soaba: la raoa pag sën tar yēgr la zıslem la buud la arzek la neerem sën bool-a t'a wa maan yel-beedã, ti nedã tōdg la a yeel-a: ad mam zoeta Wēnde. Yoob soaba: la ned sën na n maan sãra bilfu maa wusgo, n ka maan ti b yã ye, halı ti yẽ goabga ka mi ritgã sën kõtã ye. Yopoe soaba: yaa rao sën tēeg Wënd yuurã, ne a sũurã maa a zelemdã, la yaa zīg sën welg ti ned ka be, t'a nintãmã kiigi, rabeem la Wënd zısgr keelem (A Naam zēk yã).

النجاة الخيرية
ALNAJAT CHARITY

